

中國邊疆史志集成

內蒙古史志
40

全國圖書館文獻
縮微復制中心

呼倫貝爾志
略

序

呼倫貝爾者地控臚胸界連峨特昌意就國本軒帝所分封和叔司天亦幽都之是宅迨勝清之肇跡屬殊俗之傾忱達呼爾以獻地歸誠鄂羅奉迺設官統治提封互二千里久安水草之居王氣終三百年條遑滄桑之變

國家諭蒙惠綏綏推仁當三省之圖新喜九年之復治曉曉鴟鴞之東徙式懷好音望牛馬之南眠咸知德意隨此五戎不距百度惟貞不有剴今甄古之書曷裨設治籌邊之政然而稽舊志則乏原編囿偏隅或失全局訪遼金元之蹟遷貿爲多辨漢蒙滿之言溝通匪易徒循成例將毋膠柱貽譏欲拓初基亟賴操觚從事程君守初以督辦善後之餘作創始開先之舉輪軌國典杼軸予懷置專局以經營耆羣才爲纂輯不逾二載哀成巨編綜其要端厥有數事在昔輿圖仰符天度里差所判氣候攸分是編密測極高詳稽赤緯敘寒近則千巖留雪述盛發則四序恆風羊胛未熟而夏夜闌駒晷迅過而冬暉促旁稽載記地圓之義彌彰上溯虞書日短之文斯驗是曰審天時其要一也山河之紀志乘所先幹支果善其區分郡縣固無容拘泥惟取紆回之衆水顯作界畫於羣山若網在綱如驂從靳而且定內興安嶺爲索岳爾濟之支辨海拉爾河爲額爾古訥之委或引遼史實其地或爲會典糾其疏可補官書有功國界是曰甄地形其要二也卅里設卡三路查邊初僅自慎封疆猶未密施亭障迺自庚辛兩役迭受摧殘致令戊己諸屯遂形寥落藩籬既毀墾獵紛來越陌度阡洞胸達腋近則防軍由游牧制度漸進屯田司法自軍事機關改爲民治扼河塢駐數十名之警沿邊境增十八卡之兵變嬗日繁拮據從實是曰重邊備其要三也溯中俄之交涉以尼恰爲權輿東路既貫我戶庭北門遂失其管鑰始之以四萬餘响之展地繼之以五十餘分之合同逞彼狼貪巧施狙詐泊乎近歲漸挽傾軋凡貝爾湖之漁業杖東溝之林區孟克西里之沙灘察罕敖拉之煤礦或收回或合辦或抗爭有效或商購而歸補牢而未慨亡羊展卷則可窺全豹是曰慎外交其要四也若夫復治存其顛末善後揭其綱維獻可考而文可徵年爲經而月爲緯所聞所見廣挹羣言其事其文遠關大計斯又備弛張之龜鑑不徒鏡得失於狼莩已嗟乎黃龍罰酒空憶前盟蒼狗幻衣幾經世變畫疆締約錯鑄鐵以難追固圉圖強俗在

呼倫貝爾志略 序

二

金而可厲所冀守在四境常謀華裔之相安且欣才備九能不愧山川之善說民國十二年冬東省保安總司令張作霖序

序

考呼倫貝爾自黃帝以來已入中國版圖若肅慎若室韋實建國於此厥後勢殊名異代有紀載註於本篇第不過民族興滅土地分合而已有清之初統一藩屬創置行省呼倫貝爾劃爲黑龍江省治焉沿及俄羅斯東侵尼布楚定界約額爾古納河迤北之地遂爲俄有帶水相望華戎界絕邊防之務此隅因夙重矣民國開元庫倫獨立呼倫蒙旗響應余以己未冬提師防東北奉命規復無何呼倫歸政改設呼倫貝爾善後督辦增臚濱室韋奇乾呼倫四縣治鎮撫數閱月低徊憑弔默察大勢以爲外交兵政之扼要在乎此慨然欲有所興作而未逮也比至辛酉來督黑龍江軍務兼長民政益以爲門戶不修非所以安堂奧也巡行海滿頗思圖維防守之責務委諸所擇任之賢才焉而崑山程君廷恆適觀察是區更於治事之暇撰集呼倫貝爾志略一編綱舉目張備見詳盡內政兵賦諸端而外尤於外交之大引古籌今罔不總理而甄錄之其從政之才可覩也今夫北顧赤塔兵變未已抵隙思逞謀優方殷備禦之形視前愈亟西望庫倫權出女主宗旨靡託煽惑易入意外牽掣亦足隱憂此日之呼倫貝爾當乎其衝實爲關鍵如謂僅恃鎮將守官爲嚴圍之寄不求變通以盡其利豈所以因應時會而濟大艱於無外哉後之留心邊事者省覽於斯倘有恢廓其規而爲國防之至計乎是不獨程君之志與余之私願也已癸亥八月歷城吳俊陞

呼倫貝爾志略
序

四

序

中華民國二年令頒外官制訂三級曰省曰道曰縣於是黑龍江請以舊設兵備道改設道尹有四在省之東南者曰綏蘭在東北者曰黑河在西北者曰呼倫在省會者曰龍江是時呼倫不奉中央命令者已三年矣四道之設獨呼倫闕如也顧沃野千里粟如邱山人民富有者綏蘭道屬也藏金於山爭利於市儼然一大都會者黑河道屬也諸尼帶其北阿里繞其南中又有東路以貫穿之輪軌鐵軌四通八達爲全省中心點者龍江道屬也而呼倫貝爾以言農事則不如綏蘭以言商務則不如黑河以言交通則不如龍江三道比互豈非相形見絀者乎然地各有利未可以一例論也且夫地利之可闢者視乎物產之豐嗇文物之開化者視乎人事之經營而呼倫貝爾南控內外蒙古西接悉比利亞其形勢之重要可知矣根河以北土多肥沃昔爲外人越墾舊地多在額爾古納河右岸其宜於農事者可知矣環興安嶺之支脉河流皆爲礦產森林所蘊蓄吉拉林扎免河特其一部分耳其寶藏未興者又可知矣且其魚鹽之利水草之豐溼澤者其耳千百濊澤者其角萬千皮革羽毛山菌酪酥尤其特著設使國家財力足以充裕山林開而襍糴興草萊闢而風俗易移民飭邊歲時互市據雄關之險要扼東路之門戶內政修明而外患無虞豈僅駕三道而上之將爲西北開一重大鎮而雄視歐亞者其在茲乎曩者 聖興問俗此邦曾建末議不久於位而他遷今守初督辦以遠到之才具經世之略於取消自治之明年蒞任斯土政理民和之餘蒐集山川方域風俗土物輯成呼倫貝爾志略一書吾知守初之志固不在於一代文獻也如僅以文獻視之豈守初之志也乎是爲序

中華民國十二年歲次癸亥中秋壽縣于驥興拜撰

呼倫貝爾志略 序

呼倫貝爾志異叙
呼倫貝爾在黑龍江省之
西北縱二千餘里橫及少半
烏大興安嶺峙其左額爾
古訥河環其右東有鐵路
貫穿之民族强悍物產殷
阜誠天府之雄圖也碩氣
候高寒滿清以前貨棄

於地亦僅為游牧部落而
已自與俄羅斯訂立專約
以來外交繁興綏輯蒙旗
設官分治爰簡派大員駐
紮是間倏然為邊徼重
鎮材國者所當任營繕
構日不暇給者也徒以幅
員遼寬志乘闕畧蒐葺

考證竊焉無聞雖亦有騷
人墨客發為詩歌走檄飛
書但有剗奏烏足以昌明
文化垂示方來謹按今之呼
倫貝爾善後督辦即昔時
都護兵備之改制崑山程君
守初廷恒筦領是邦內外措
施策畧淵茂更於籌邊之

暇徵辟名彥發篋函陳書以
驗諸古先植圭測景以日晷諸
幽渺山川人物載在典章繪
圖列表燦然大備洵遷固
之良才光修之鉅製也乃
不自滿假標厥名曰志略其
詳其慎概可想見

慶瀾

曾

長江裔久親風雅雅生濟文

章實隱心相 茲者治軍濱
閩猥承示以鴻著等書
鞅掌烟墨滋蕪諷覽玉
再不敢以不文辭輒手述
崖畧以告當世之讀是
書者

中華民國十二年十二月
山陰朱慶瀾撰併書



呼倫貝爾志略序

修志書難修志書於樸固最淺之
巨尤難呼倫貝爾一隅為蒙疆游牧地極
莽僻塞文獻罕見修志書我於去
秋着身崑崙山程君守初以民國十年
四月督辦善後事宜量任系涉自撰
輯蒙旗接洽外人信字尋舉治政大
時暇刻偕其僚友搜集舊聞纂為
志明瞭然成卷斐然成章可謂獨

其難其習其所至必異於人君曰兼官之
奉推順寬旬復縣政績卓著曾以省
碑之條曾各著者其子孫千春之志明
之輯其業昔時而艱難倍嘗良之心
若夫呼臣地接俄疆當國家多事之
時曾官長自治民國九年黑山孫替克
時曾官長自治民國九年黑山孫替克
時曾官長自治民國九年黑山孫替克
服取有自治余時奉長秘書參預
惟惟之觀志明所載古好河山傳也